

II. IGANDEA URTEAN ZEHAR (C)

Otoitza

Jainko ahalguztidun betierekoa,
zeure esku dauzkazu zeru-lurrak;
entzun bihotz onez zeure herriaren eskariak
eta eman zeure bakea gure egunotan.
Zure Seme Jesu Kristo.

I. IRAKURGAIA: Is 62, 1-5

Senarrak emaztearekin hartzen du poza.

Isaias Profetaren liburutik

Sionen maitez ez naiz isilduko,
Jerusalenen maitez ez naiz geldu egongo;
Haren zuzentasuna distira bezala argituko den arte,
Haren salbamena zuzia bezala biztuko den arte.
Ikusiko dute herriek zure zuzentasuna,
erregeek zure ospea;
izen berria ezarriko zaizu,
Jaunaren ahoak emana.
Koroa eder izango zara Jaunaren eskuan,
errege burestun zure Jainkoaren eskuan.
Ez dizute berriz deituko «Utzia»,
ezta zure lurraldeari ere «Hondamendia».
«Nire atsegina» deituko dizute zuri,
eta «Senarduna», zure lurraldeari.
Atsegin izango baitu zuregan Jaunak,
eta senarduna izango da zure lurraldea.
Mutil gaztea neskatzarekin ezkontzen den bezala,
zure eraikilea zurekin ezkonduko da;
senarrak emaztearekin hartzen duen poza,
zurekin hartuko du zure Jainkoak.

ERANTZUN SALMOA: Sal 95, 1-3. 7-8. 9-10ac

R/. **Zabaldu Jaunaren mirariak herri guztietan.**

Kanta Jaunari kantu berri,
 kanta, lur osoa, Jaunari.
 Kanta Jaunari, bedeinka Haren izena,
 iragarri egunez egun, Harengandiko salbamera.
 Zabaldu Haren ospea atzerrietan,
 Haren mirariak herri guztietan. R/.

Herrietako sendiak, eman Jaunari,
 eman Jaunari ospe eta goraldi.
 Eman ospe Jaunari bere izenaren ederrez,
 sar zaitetzte Haren atarrietan opariak eramanez. R/.

Jauretsazue Jauna jantzi gurenean,
 ikara zaitetz, lurbira guztia, Haren aurrean.
 Esazue atzerrietan: «Jauna errege da,
 herriak zuzenbidez epaitzen ditu». R/.

II. IRAKURGAIA: 1 Ko 12, 4-11

*Guzti hori Espiritu batek-berak egiten du,
 Berak nahi duen bezala bakoitzari banatuz.*

San Paulo Apostoluak Korintotarrei

Senideok: Era askotakoak dira dohainak, baina bat-bera Espiritua; era askotakoak zerbitzuak, baina bat-bera Jauna; era askotakoak eginbideak, baina bat-bera guztiengan dena egiten duen Jaungoikoa. Bakoitzari guztien onerako ematen zaio Espirituaren agerpena.

Eta honela, jakintsuki hitzegitea ematen zaio bati Espirituaren bidez; besteri, Espiritu beraren arabera, hitz egokiz erakustea; besteri sinestea, Espiritu beraren egitez; besteri, Espiritu beraren egitez, gaixoak sendatzea; besteri, mirariak egitea; besteri, profeta dohaina; besteri, espirituak bereiztea; besteri, hizkuntza ezkutuetan mintzatzea; besteri, hizkuntza horien esanahia adieraztea.

Guzti hori, ordea, Espiritu batek-berak egiten du, Berak nahi duen bezala bakoitzari banatuz.

EBANJELIOA: Jn 2, 1-12

Aleluia: 2 Ts 2, 14

R/. Aleluia.

V/. Jainkoak dei egin dizue gure berri onaren bidez,
 Jesu Kristo gure Jaunaren aintza irits dezazuen. R/.

*Galileako Kanan egin zituen Jesusek
bere lehenengo ezaugarriak.*

Jesu Kristoren Ebanjelioa San Joanen liburutik

Aldi hartan, ezteiak ziren Galileako Kanan, eta Jesusen ama han gertatu zen. Jesus ere ezteietara deitu zuten bere ikasleekin. Ardoa ahitu zen, eta honela esan zion Jesusi bere amak: «Ez daukate ardorik». Eta Jesusek erantzun: «Eta guri zer axola zaigu, emakume? Nire ordua ez da oraindik etorri». Orduan amak morroiei: «Egizue, Berak esaten dizuen».

Harrizko sei ontzi zeuden han, judutarren ohituraz eskuak garbitzeko ipiniak, ontzi bakoitza ehun bat litrokoa. Jesusek esan zion: «Bete itzazue ontziak urez». Eta haiek leporaino bete zituzten. Jesusek berriro: «Atera orain, eta eraman mahaizainari». Eta haiek eraman zioten.

Dastatu zuen mahaizainak ura ardo bihurtua, nondik zekarten jakin gabe (morroiek, bai, bazekiten, beraiek atera bainzuten); orduan, ezkon-berriari deituta, esan zion: «Ardo ona, guztiak hasieran ateratzen dute; eta edanda daudenean, orduan txarra. Zuk, berriz, orain arte gorde duzu ardo ona».

Honela, Galileako Kanan egin zituen Jesusek lehenengo ezaugarriak; bere aintza azaldu zuen, eta sinetsi zuten Harengan bere ikasleek. Ondoren Kafarnauna jaitsi zen, eta Harekin bere ama, bere senideak eta bere ikasleak; eta han egon ziren, baina ez egun asko.

Oparigaien gainekoa

Egizu, Jauna,
zintzo hurbil gaitzela sakramentu honetara;
gure erospena egiten baita
opari hau oroigarri ospatzen dugun bakoitzean.
Jeskristo.

Jaunartze ondorengoa

Isuriezaguzu, Jauna, zeure maitasun espiritua,
zeruko ogi bat-beraz janaritu gaituzunok
zeure maitasunean bat egin gaitzazun.
Jesu Kristo.